

INFORMACIÓN XERAL

OBJECTIVOS

- Integración da dimensión dos aspectos ambientais da saúde na formación e reciclaxe de técnicos en saúde ambiental, coa finalidade de actualizar a súa formación e adecuá-las esixencias que demanda a sociedade actual, para que contribúa a mellorar a xestión e as condicións de vida urbana dos cidadáns.
- Establecer un foro de debate e estudo que aborde a situación dos municipios, dos seus problemas e carencias que se consideran máis importantes así como das posibles solucións que se deberán adoptar, ademais de permitirla cooperación e o diálogo entre todos os axentes sociais implicados.

DESTINATARIOS

- Técnicos, funcionarios e responsables políticos da Administración Local, Deputacións e Mancomunidades, que desenvolvan a súa actividade ou estean relacionados coas áreas obxecto de estudo.
- Profesorado do ensino secundario, formación profesional e universitaria que desenvolvan a súa actividade ou estean relacionados coas áreas obxecto de estudo.
- Técnicos e xestores de empresas que desenvolvan a súa actividade nos departamentos de calidade, medio ambiente e prevención de riscos laborais.
- Profesionais libres (farmacéuticos, médicos, veterinarios, químicos, biólogos, enxeñeiros, arquitectos, xégrafos, psicólogos, avogados, economistas, sociólogos, etc.) que desenvolvan a súa actividade ou estean relacionados coas áreas obxecto de estudo.
- Titulados en paro e estudantes interesados no tema.

METODOLOGÍA

- Exposición do profesor co apoio de medios audiovisuais do contido teórico, presentación de casos prácticos nos que tamén intervirán activamente os propios alumnos amosando as súas experiencias, realización de visitas prácticas a instalacións de interese medioambiental, mesa redonda e unha exposición sobre espazos naturais protexidos de Galicia.

NÚMERO DE PRAZAS E DEREITOS DE INSCRIPCIÓN

- **Número de prazas:** estará limitado a 40, que se cubrirán por rigorosa orde de inscrición.
- **Cota de inscrición:**
 - a/ Profesionais con actividade: **15.000 PTA.**
 - b/ Titulados en paro e estudantes que acrediten a súa condición: **7.500 PTA.**
- **Forma de pagamento:** o aboamento efectuarase mediante transferencia bancaria a CAIXA GALICIA, nº de conta: **2091 0506 92 3040018436**, especificando en concepto "VII CURSO DE SAÚDE AMBIENTAL NA ESTRADA".
- **Forma de inscrición:** cubri-lo boletín de inscrición, que deberá achegar o xustificante do pagamento, e presentarse/entrase por fax/correio a Secretaría do Curso. O prazo de inscrición abrirase o luns 8 de xaneiro, fixándose a data límite de formalizala o venres 19 de xaneiro ás 14,00 horas.

DOCUMENTACIÓN

- Entregarase documentación diversa relativa á temática do curso (manual de saúde ambiental, separatas e recompilación lexislativa).

DIPLOMA ACREDITATIVO

- Aqueles alumnos que participen con regularidade nas sesións programadas do curso, que consta de **25 horas lectivas**, recibirán un diploma acreditativo de asistencia.

SEDE, DATAS E HORARIOS

- **Sede:** Centro Comarcal Tabeirós - Terra de Montes (A Estrada)
- **Datas:** do 22 ó 26 de xaneiro de 2001.
- **Horario:** de 16,30 a 20,30 horas (de luns a venres) e de 10,00-14,00 horas o venres.

CENTRO COMARCAL TABEIRÓS - TERRA DE MONTES
Toledo
36682 A ESTRADA (PONTEVEDRA)
Tel.: 986 57 51 49 • Fax: 986 57 21 57

SECRETARÍA TÉCNICA VII CURSO DE SAÚDE AMBIENTAL

PROGRAMA "MUNICIPIOS SAUDABLES 2000 - 2001"

de formación e reciclaxe de técnicos en saúde ambiental

VII CURSO DE SAÚDE AMBIENTAL A Estrada (Pontevedra), 22-26 de xaneiro 2001

AUSPICIAO

"Asociación Internacional de Salud y Medio Ambiente Urbano"
"International Association of Health and Urban Environment"

DIRIXIDO E IMPARTIDO

Prof. Dr. F.J. Peña Castiñeira

Experto en saúde ambiental, profesor de Medio Ambiente e Saúde
de Cepade-Universidade Politécnica de Madrid

ORGANIZA



Concello da Estrada

PATROCINAN



SERVICIOS PUENTE UNARES S. L. **HIERROS DIEGO, S. L.**



RENAVIT **RENAVIT**

COLABORAN



FUNDACIÓN COMARCAL **TABEIRÓS-TERRA DE MONTES**

"Coloar o noso termo e promover estilos de vida saudables na poboación:
unha tarefa de todos os golegos"

Cada día ten maior importancia o coñecemento do medio ambiente dunha comunidade, xa que é un condicionante do seu benestar social, sanitario e económico (o medio ambiente como xerador de actividades capaces de producir emprego, renda, saúde e benestar á poboación). A industrialización e a urbanización modificaron o medio dando orixe a problemas ambientais de primeira orden (o calentamento global "efecto invernadero" e cambio climático, a destrución da capa de ozono estratosférica, o transporte de contaminantes, a desertización, problemas de contaminación en países en desenvolvemento, etc.) que é preciso corrixir, así como evitar que as actividades futuras orixinen máis deterioros no noso contorno a través dunha política preventiva que permita un desenvolvemento sostido e equilibrado e teña como obxectivos a protección da saúde do home e a conservación de todos os recursos que condicionan e sustentan a vida. Para a consecución dos obxectivos do V Programa Comunitario de Acción en materia de medio ambiente, ademais da consideración das disposicións legislativas vixentes e de aspectos tecnolóxicos (mellora da xestión dos procesos e control integrado da contaminación, especificacións de produtos, xestión dos residuos, etc.) inclúense actuacións tales como o aumento de diálogo coa empresa, fomento de acordos voluntarios, participación da opinión pública, acceso á información ambiental, etc.

As sólidas convencións ambientais dun amplo sector das sociedades actuais motivaron tamén os empresarios máis sensíbles, a producir elementos para a industria anticontaminadora, e obxectos máis ou menos inocuos ecolóxicamente para o consumo. É necesario levar a cabo unha xestión adecuada dos recursos (racionalización do consumo e competitividade), información ós consumidores e desenvolvemento dun clima de confianza na sociedade, e desenvolvemento de normas comunitarias aplicables a procesos de fabricación e produtos. A empresa ten unha especial responsabilidade diante do medio ambiente ó ser consumidora de recursos, ademais de fonte de emisións e residuos; pero non é menos verdade, que tamén é orixe de coñecementos científicos e tecnolóxicos, así como de positivos impactos socioeconómicos; o cal levou a moitas empresas a integrá-la política ambiental nas estratexias corporativas adoptando criterios de protección do contorno na planificación de actividades e toma de decisións. O xurdimiento dunha dinámica autorreguladora das empresas para a mellora das súas actividades ambientais, o que implica tamén ás asociacións e corporacións empresariais, xa que a protección do medio ambiente na empresa constitúe unha responsabilidade corporativa.

A Oficina Rexional para Europa da OMS, baseándose nas iniciativas de Cidades Saudables, e tendo en conta as experiencias dos plans de sanidade ambiental locais e os programas da Axenda 21 existentes nalgúns países europeos, decidiu apoiar ás entidades locais e rexionais para acadar os obxectivos do desenvolvemento sostible; sendo esta unha oportunidade máis, a través da posta en marcha deste programa "Municipios Saudables 2000-2001", de conciencia-los concellos galegos da importancia de asumir esta filosofía na súa xestión. Precisamente, co fin de abordar e debater algúns dos problemas prioritarios que teñen os concellos, e favorecer a interacción entre a saúde e o medio ambiente urbano para promover a mellora das condicións de vida urbana, organizase este curso que, auspiciado pola "Asociación Internacional de Saúde y Medio Ambiente Urbano", está deseñado de acordo cos principios da Carta Europea sobre Medio Ambiente e Saúde e dirixido a todos aqueles que traballan ou están interesados na saúde ambiental.

Finalmente, destacábase a necesidade de reunir esforzos por parte de responsables políticos, empresarios, científicos, educadores, profesionais, comunicadores, ecoloxistas, así como a participación activa dos cidadáns, en prol de conseguir un "medio ambiente saudable para todos os galegos", mellor legado para xeracións vindadeiras.

Prof. Dr. F. J. Peña Castiñeira

Luns, 22 de xaneiro

16,30 h.: Acreditación e entrega de documentación.

16,45 h.: Presentación do curso.

17,00 h.: **Tema 1:** "Saúde ambiental: introdución. Municipios saudables: diagnósticos de saúde ambiental. Importancia da protección e conservación do medio ambiente natural galego".

18,30 h.: **Tema 2:** "Contaminación atmosférica e acústica: prevención e loita".

Martes, 23 de xaneiro

16,30 h.: **Tema 3:** "Infraestructuras de servizos sanitarios urbanos. Importancia dos sistemas de abastecemento hídrico e de saneamento das augas residuais en relación coa saúde pública: control sanitario das augas potables de consumo público e depuración das augas residuais. Xestión integral de residuos sólidos urbanos. Problemas sanitarios e ambientais que orixina o uso de praguicidas".

Mércores, 24 de xaneiro

16,30 h.: **Visitas prácticas:** estación de tratamento de augas potables (ETAP) e estación depuradora de augas residuais (EDAR) municipais da Estrada.

Xoves, 25 de xaneiro

16,30 h.: **Tema 4:** "Empresa e medio ambiente. Industrialización, ambiente de traballo e saúde. Riscos do ambiente de traballo e trastornos na saúde do traballador: a súa prevención. Programa de hixiene e seguridade industrial. Relación da industria coa poboación. A empresa ante o reto ambiental do século XXI: cara unha xestión integrada dos sistemas de calidade, medio ambiente e prevención de riscos laborais".

18,00 h.: **Visitas prácticas:** empresas Corral y Couto e María Martínez Otero da Estrada.

Venres, 26 de xaneiro

10,00 h.: **Visitas prácticas:** Pazo de Oca, Lagoa Sacra de Olives, Mosteiro de Azeiteiro e Serra de Candán, e Horreos de Pedre e Sendeiro do Lérez.

16,30 h.: **Tema 5:** "Responsabilidade da Administración Local na protección do medio ambiente: competencias e sistemas de financiamento. Instrumentos de xestión ambiental. Código de boas prácticas ambientais para os municipios".

18,00 h.: **Mesa redonda:** "Posta en común sobre a problemática ambiental da comarca de Tabeirós-Terra de Montes" coa participación de responsables políticos, empresarios e técnicos.

20,00 h.: Acto de clausura e entrega de diplomas acreditativos de asistencia.

BOLETÍN DE INSCRIPCIÓN VII CURSO DE SAÚDE AMBIENTAL A Estrada (Pontevedra), 22-26 xaneiro 2001

Apelidos Nome

Actividade ou cargo

Centro de traballo

Enderezo

NIF Teléfono Fax

Cidade Provincia País

Cota de inscrición:

- Profesionais con actividade 15.000 PTA.
- Titulados en paro e estudantes que acrediten a súa condición 7.500 PTA.